



## Առաջարկվող պրակտիկաներ

Առաջարկվող հետևյալ պրակտիկաները Հայաստանի բուժփիմնարկներում գոյացող բժշկական թափոնների կառավարման և տնօրինման գործում կիրառելու համար են:

1. Թափոնների կառավարման հարցերում պատասխանատուի նշանակում Յուրաքանչյուր բուժփիմնարկի ներսում որևէ անհատի պետք է դարձնել բժշկական թափոնների կառավարման վերահսկման պատասխանատու: Այդ անձնավորությունը կարող է խորհուրդներ ստանալ համաճարակաբանից, հիվանդանոցի ղեկավարից (ադմինիստրատոր) կամ գլխավոր բուժքրոջից:

2. Նախնական ուսուցում

Անհրաժեշտ կլինի նախաձեռնել ուսուցման ծրագիր, որը տեղեկություններ տրամադրի բժշկական թափոնների դասակարգման, փաթեթավորման պատշաճ մեթոդների, դրանց հետ վերաբերվելու կերպերի և հարկ եղած ձևով տնօրինման վերաբերյալ:

3. Հիմնական դասակարգում և առանձնացում

Բժշկական թափոնները պետք է նախ հստակորեն և ուշադրությամբ սահմանվեն և լավ ըմբռնվեն: Գոյություն ունեն բժշկական թափոնների չորս դասակարգումներ, որոնք Հայաստանի համար անմիջական մտահոգություն են ներկայացնում: